



Ukuhlomisa izingane zethu
ngelikusasa

Isiqinisiso 1

Isihloko sesifundo: Isikhathi samanje nesizayo

Umhlahlandlela womzali

Isikole sangeSonto Isikole sasekhaya



Mzali Othandekayo

Uyamukelwa kusifundo: **Isikhathi samanje nesizayo**

Lomqulu ukunika umhlahlandlela ofanele wokuba ungasethula kanjani lesi sifundo.

Ungasilungiselela futhi uthule kanjani lesi sifundo

Nanka amanye amasu ngezansi wokulungiselela nokwethula lesi sifundo:

Isinyathelo	Okufanele ukwenze
1.	<p>Finyelela ku Webhusayithi ye-New Apostolic Church ngokufaka noma ngokuchofaza kusixhumanisi esilandelayo kusuka ku-WhatsApp: https://bit.ly/3NACSSHS</p>
2.	<p>Qoqa lezizinsiza zokufunda ezilandelayo ukuze uqiniseke ukuthi usihlomele lesisifundo:</p> <ul style="list-style-type: none"> • IBhayibheli • Isifundo ngefomethi ye-PDF esivele silungisiwe • Incwadi yengane yokusebenzela kanye namapensele, amakhilayoni, njll. • I-Vidiyo kiliphi okuyisiza sokufunda esingezekile / isisiza sokufunda ongazikhethela ngokuthanda kwakho • Ikhathekizimu yemibuzo nezimpendulo (Ikakhulukazi kulesisifundo sesiQinisiso). <p>Qaphela:</p> <p>2.1: Isikhathi esifanele sokuthulwa kwalesisifundo, kungemuva kwenkonzo yangeSonto ekuseni, ngokuhambisana nesikhathi sesikole sangeSonto ukuze kugcinwe inqubo yesikhathi esijwayelekile.</p> <p>2.2: Uyacelwa ukuba ugcine isifundo sibe mfushane uma kunokwenzeka, khumbula izinga lokunaka kwezingane zethu (gxila esifundweni) - uyazi kangcono ingane yakho!</p> <p><i>Isikole sangeSonto ngokuvamile asidluli imizuzu engama-45.</i></p> <p>2.3: Lesisifundo silungele ibanga lesiQinisiso 1.</p> <p>2.4: Uyacelwa uthinte uThisha wakho wesiQinisiso uma udinga noma yiluphi usizo noma uma udinga ezinye izinsizakufunda kulezi ezingenhla.</p>
3.	<p>Khuleka (bheka umkhuleko osekugcineni kwalomqulu) bese ucela uNkulunkulu ukuba akusebenzise njengethuluzi ukwethula isifundo ngendlela Yena afuna ukuba uthule ngayo.</p>



Fundisa lesisifundo sesikole sangeSonto ekhaya

Ungasilungiselela futhi usifundise kanjani lesisifundo

Siyaqhubeka nokwabelana ngezululeko ezithile zokuthi ungasilungiselela futhi usifundise kanjani lesisifundo:

Isinyathelo	Okufanele ukwenze
4	Yenza indawo ilungele ukufundisa engenaziphazamiso lapho wena nengane / nezingane nisezingeni elifanayo. Isibonelo: Hlala phansi ocansini noma eduze kwetafula.
5	Funda kulesisifundo. Phinda ufunde futhi isifundo ukuze usiqondisise kahle. Bukela lesisifundo sevidiyo kiliphu ukuze uthole ukuqonda okungcono ngalesisifundo.
6	Zenzele amanothi ngamaphuzu abalulekile ongathanda ukuwakhumbula.
7	Yazi inhloso yalesisifundo ingane yakho okufanele siyikhumbule.
8	Yethula lesisifundo enganeni yakho noma uyifundele lenandaba uma uthanda.
9	Khombisa ingane yakho ividiyo bese uphinde ubuyekeze incazelo yayo.
10	Khombisa ingane yakho umsebenzi okufanele iwenze encwadini yayo yokusebenzela (I Also Want To....)
11	Khuleka, noma ucele ingane yakho ukuba ikhuleke bese uphetha isifundo.

Izinsiza zokufunda ezitholakalayo mayelana nokufundisela ekhaya.

Nazi ezinye izinsiza zokufunda zokungezelela lesisifundo sibe sezingeni leqophelo:

1. I-WhatsApp. Xoxani ngesifundo sesi**Qinisiso -1** nomunye umndeni osifundayo nawo.
2. Xoxisanani ngesifundo nabanye abazali ukuze uthole ukuchazeleka kahle mayelana nesifundo ngaphambi kokuba sifundiswe.
3. Khululeka ukwenza olwakho ucwaningo ukuze uthole ulwazi olungezekile.
4. Khuluma noMxhumanisi wesikole sangeSonto webandla lakho noma uThisha wesikole abazimisele ukukusiza.



Isifundo

Isihloko	Isikhathi samanje nesizayo
Umbhalo weBhayibheli	Isambulo 3:18, kwabase-Efesu 1: 4 kanye neSambulo 21: 7
Inhloso yesifundo	AbaQinisiswa bayaqinisekiswa ngokuthi iNkosi uJesu izobuya. Bayazi ukuthi nabo ngokunjalo babiziwe ukuba babambe iqhaza ekubuyeni kukaJesu Kristu.

Isifundo esifingqiwe:

Ingemuva:

Encwadini yokugcina ebhayibhelini, iSambulo, kunezincwadi eziyisikhombisa ezibhalelwe amabandla ase-Asia Minor (iTurkey yanamuhla). Kulezi zincwadi, kudingidwa ngezinguzi ezazikhonjiswe ebantwaneni bakaNkulunkulu. Lezi zincwadi ziqukethe izeluleko. Lesi seluleko sibalulekile ngisho nasesikhathini sethu **samanje**.

1. Isikhathi sethu samanje: isikhathi lapho umsebenzi kaNkulunkulu upheleliswa khona:

- Esikhathini esedlule, amalungu amabandla njengoba kushiwo encwadini yeSambulo, ayechayeke emathonyeni amabi / ayebukene nezimfundiso ezimbi.
- Izinto eziningi zingasiphazamisa emgomweni wokholo lwethu futhi zithathe isikhathi sethu.
- UNkulunkulu useluleka ngoMoya oNgcwele: “Ngiyakweluleka ukuba uthenge kimi **igolide** elivivinywe ngomlilo, ukuze ucebe; **nengubo emhlophe**, ukuze ugqoke, ukuze lingabonakali ihlazo lobuhambaze bakho; futhi ugcoke amehlo akho ngomuthi wamehlo, ukuze ubone”(Isambulo 3:18)
- **Igolide** lingaqhathaniswa nezinto zikamoya ezinjengalezi: ukuhlakanipha kobuNkulunkulu, ukholo neqiniso lokuhlonipha uNkulunkulu. Kufanele sithenge igolide kuJesu Kristu ukuze sikhule ekukholweni, olwazini nasekuqondeni futhi sibe ngabacebile ingunaphakade.
- **Izingubo ezimhlophe** zifanekisa ubumsulwa bomphefumulo. Sifanele ukuthenga izingubo ezinjengalezi uJesu Kristu asinikeza zona ngokuxolelwa kwezono. Ukuze sithole ukuthethelelwa, nathi kufanele sixolele.
- **Umuthi wamehlo** ungowokugcoba umphefumulo, ukubona ngokucacile inhloso yokholo lwethu. Kumele sibone ngokucacile ukuthi izithembiso zeNkosi yethu uJesu eziseBhayibhelini ziyagcwaliseka namuhla.
- UNkulunkulu useluleka ngoMoya oNgcwele njengoba efuna ukusisiza ukuthi silufanele usuku lapho iNkosi uJesu izobuya khona.

2. Ukukhethwa kwethu njengomakoti kaKristu:

- UNkulunkulu “wasikhetha ngaphambi kokusekelwa komhlaba” (kwabase-Efesu 1: 4).
- Asazi ukuthi kungani Yena asikhetha - asikwazi ukuwuphendula lombuzo. Lokhu ukukhetha kukaNkulunkulu okukhululekile ngomusa.
- Sikhethwe ukuba sibe ngabantwana bakaNkulunkulu futhi sabizwa ukuba sibe ngumakoti kaKristu. Funda iSambulo 19: 9
- Kuyinjongo yethu ukukholwa ukuba sitholakale sifanelekile futhi samukelwe ekubuyeni kukaJesu Kristu ngakho-ke ngaso sonke isikhathi kudingeka sizilungiselele lo mcimbi futhi silwele ukufaneleka.



3. Ukunqoba:

- Ukunqoba kusho ukuthi sizibonakalisa silufanele ubizo lwethu kulomhlaba.
- Kumele sizilungiselele ukubuya kukaJesu.
- Samlahla uDeveli, senqaba isono futhi sihlala sithembekile eNkosini.
- Ukunqoba kusho ukuthi: Ngifuna ukulwela ngokweqiniso ukuphila impilo ejabulisa uNkulunkulu, ukulwa nesono, nokulindela ukubuya kukaKristu. (1 Johane 2: 15-17)
- “Onqobayo uyakulidla ifa lalezozinto, futhi ngiyakuba nguNkulunkulu kuye, yena abe yindodana kiMi.” (Isambulo 21: 7)

Ingabe sisho ukuthini lesisifundo kithina namhlanje na?

Isikhathi samanje:

- Siphila esikhathini lapho umsebenzi kaNkulunkulu uphuthulwa khona.
- Asazi ukuthi kungani, kodwa sikhethiwe ukuba ngabantwana bakaNkulunkulu.
- Kumele sinqobe futhi sizilungiselele ukubuya kukaJesu Kristu.

Isikhathi esizayo:

- Ukufaneleka nokwamukelwa ngosuku lokubuya kweNkosi uJesu.
- Ukuba noNkulunkulu ingunaphakade.

Lokhu kungumgomo wokholo lwethu.

Ukufunda Okungeziwe

I-Athikili yesiShiyagalolunye yesiVumo soKholo.

Ngiyakholwa ukuthi iNkosi uJesu izobuya ngempela njengoba yenyukela ezulwini nokuthi izothatha (abolibo) izithelo zokuqala zabafuleyo nabaphilayo ababenethemba lokulungiselela ukuza kwayo; ukuthi emva komshado ezulwini uzobuyela emhlabeni nabo ukumisa umbuso waKhe wokuthula, nokuthi bazobusa naYe njengobupristi bobukhosi. Ngemuva kokuphela kombuso wokuthula, uzobamba ukwahlulela kokugcina. Lapho-ke uNkulunkulu uzokwakha izulu elisha nomhlaba omusha ahlale nabantu baKhe.

UMkhuleko kaBaba noMama ngaphambi kwesifundo:

*Nkulunkulu othandekayo, ngiyakubonga ngalolusuku
Busisa bonke abazali nezingane, Sengathi singabuzwa ubukhona baKho
Busisa isifundo esizoba naso
Sicela usifundise ukukukhonza
Futhi usisize ukwenza intando yaKho
Ukuze sikhule sisondele kuWe
Thumela uJesu azosilanda
Futhi kwangathi singalungela ukuhlangana naYe
Amen*